



# САМУРДИН СЕС

«Магъарамдхуърун район» МР-дин  
общественно-политический газет.  
Общественно-политическая газета  
МР «Магарамкентский район».

## ГОЛОС САМУРА

Газет 1951- йисалай акъатзава. № 26 (8179) киш, 3-июнь, 2023- йис. Къимет 6 манат

### ТЕБРИК

## 1-ИЮНЬ АЯЛАР ХУЪДАЙ МЕЖДУНАРОДНЫЙ ЮГЪ Я

Гъар йисуз, миллионралди инсанри 1-иүндиз- аялар хуынин Международный югъ къейдзава. И югъ къейд авуналди чехи не- силди дуњядин гележегдикай чугвазвай къайгъударвал къалурзава, аялприз лап хъсан умумър хуун патал чехибуру чин къуватар желбазава.

Аялар хуын! Им вуч лагъай чал я? Им аялриз образование къачудай, вири патарихъай уяхбур яз чехи жедай шартлар тешкилун я. Аялрикай къайгъу чугун им балайрин ислягъва баҳтлу гележегдикай къайгъу чугун я.

Чи районда школаяр, аялрин баҳчаяр эци- гуниз, авайбур гегъеншаруниз чехи фикир гузва. Күн патал, гъвечи дустар, спортдин залрин ва майданрин къадар йис-йисандавай артух жезва. Күн ихтиярда аялрин яратми- шунрин Центр, музыкадин школаяр ва абу- рунса шумуд филиал, библиотекаярни клуб- рин сеѓнеяр ава. Күн таяри неинки республикада, гъакл адалай къецени спортдин ва къелунрин жуъреба-жуъре рекъерай чин женгчивал, устадвал къалурзава.

Амма, къе күн вилик акъвазнавай къилин везифа, гъуърметлу балаяр, хъсан чирвилер аваз къелун, тербия-низам хажун, зегъметдал



рик! алайбур яз чехи хуун я. Им күн патал чехибуру чугвазвай къайгъударвилиз лап хъсан жаваб я.

**Ф. З. АГЬМЕДОВ,**  
**«Магъарамдхуърун район»**  
**МР-дин Администрациядин къил.**

## Аялар- им хвена кланзавай чи девлет я

ГАТУН сифте югъ, 1- июнь «Аялар хуъзвай югъ», дуњядин гзаф улквейра международный сувар яз къарши- ламишава. Аялар- им хвена кланзавай чи девлет я.

Сувар официально къар- шиламишун 1949- йисуз Парижда дишегълийрин демок-

ратический федерацияди тайи- нарнын сифте сефер яз и су- вар 1950- йисуз шад гъалара къей- днай. Дуњядин къвед лагъай дяве акъалтлайдалай инхъ аял- рин умумурдин хушбаҳтлувилин месэла хцибурукай сад хъана.

Эгера гъа вахтунда етим аял- рин месэла машъур, ам тарихдин

гъаларихъ галаз алакъалу тиртла, алай вахтунда «соци- альный етимвилин» месэла хци- даказ акъвазнава. Саламатвал авачир хизанрай аялар, умумурдин четин шартлар себеб яз аялрин къвалериз акъатзава. Къенин юкъуз чи обществоди

# 1-ИЮНЬ АЯЛАР ХУЙДАЙ МЕЖДУНАРОДНЫЙ ЮГЪ Я

1 ←

къуватар сад авуна сифте нубатда и месэла гъялна кланзава.

И икъя квекай аял хвена кланзаватла къалурзавач,amma аялдин ихтиярар хүн чи буржы тирди рикел гъизва. Месэла алай вахтунда чи аялар цийиз акъатнавай технологийрикай, соцсетра авай хаталу дестейрикай, школада абурун арада жезвай гъахъсузвилерикай, наркоманиядикай ва къугъунрин аслувиликай хүннин чара-сузвал арадал атанва. Сифте нубатда жув диде яз лугъузва, аялдин ихтибарвал къазанмишна, абурухъ галаз гъар жуьре темайрай рахана, абурун гъавурда акъаз алахъна кланда. Мисалда лугъузвязвал, аял ви гъавурда акъадач, вун аялдин гъавурда акъуна кланда, гъикл лагъайтла ваз аялвал акунва,amma аялдин зигын гъеле дигимиш хъянвач.

Уймуърда са жуьре набутвилер авайбурни жезва. Абурун диде-бубаяр обществодин са жерге гъужумрикай хүннин чара-сузвал арадал къвезва. Абурувай лайихлу образование къачуз жезвач. ДЦП, аутизм авай аялрин гъавурда акъун тавуни, обществоди-абурун важиблувал гъисстивуни, көлиз, къвалахиз тахъуни абуруз лап пис таъсирзана. Дугъриданни ихтиин аялар фикирдай акъудун, абурун четинвилерал фикир желб тавун чи обществодин ягъалмишвал жеда. Ахътин аялрихъ маса

рекъерай бажарағы жезва. Ам дузыздал акъудун, къуват гун месэладин са пай гъялнавайди яз гъисабиз жеда. Сифте нубатда набут аял авай диде-бубади гъилер агъузна виже къведач. Жуван къвалахдин рекъяй инсан-

даш, балаяр патал къуват гуз-вай даахъ хъана. За и ихтилат са нин ятани рикл тарази ваъ, кыилел атай и дульшүш кечирмизиз алакъай, сифте нубатда вичин балаяр патал мягъкем даяхъ хъайи, абурун руыгъдин игътияжар таъминариз алахъай ва маса диде-бубайриз чешне яз къалуриз жедай инсандинкай ийизва. Дульшүш гъил-гъиле къуна алу-диз, сабур гуз алахъна кланда. Сифте нубатда набут аялдин гуыгуль къачуна, адахъ гъихътин алакъунар аватла чирна, образование къачудай мумкинвал аватла ацукъай чкадал гъадавай жедай са кеспи чириз алахъна кланда.

Идалай гъейри заз акваз滋味вал, сагъ-ламвал, вири мумкин-вилер авайбурни на-гъакъан крарин иеси-яр жезва. Жув аялдин диде, буба хъиз дустни хъана кланда. Къен-нин ви тербиядилай,

пакагъан югъ, гъалар аслу жез-вайди фикирдай акъудна виже къведач.

Халкъари вуч лугъуда лугъуз, аял хура тун дульзвал туш. Жуван аялдин руыгъдиз къуват гана, адада фикир хъсан патахъ желб ийиз алахъна кланда. Къвале гъамиша къал хъайила, аялни гъвеччи-чехи чин тийиз вердиш жезва. Ихтиин аял обществодин хаталувилиз элкъвезва. Ша чна аялриз, абурун тербиядиз, ихтиярриз къетен фикир гун ва бахтлу аялвал багъишиз алахъин. Бахтлу инсан анихъ галайдазни хъсанвал ийиз алахъда.

**А.АЙДЕМИРОВА.**



## Аялар- им хвена кланзавай чи девлет я

рихъ галаз гзаф алакъада хъуниз килигна и месэладайнин че-тинвилер ацалтай хизанар заз гзаф чида. Са хизанда къве аял хъана. Аялар япарал зайифбур тирди чир хъайи дидедин рикл атана, ам михъиз руыгъдай аватна. Акваз-акваз ам багърийривай, ярап-дустаривай, обществоди-вай къерех хъана. Хъанвай дерта вишинди яз гъиссавай ва ам садазни къалур тийиз эхзавай.

Аферин адада уймуърдин юлдашдиз, аялрин бубадиз. Вахт атайла ада къайгъударвал чуругуна вичин аялар маҳсус шко-ладиз рекъе тұна. Гуыгъунлай гададив техникум ва рушавни гъвеччи кеспидин курсар көлиз тұна. Ам вичин уймуърдин юл-

## 1-ИЮНЬ АЯЛАР ХҮЙДАЙ МЕЖДУНАРОДНЫЙ ЮГЪ Я



### СУВАРИН ГУРУШ

АДЕТ ТИРВАЛ, чи уыл-кведа гъар йисуз 1-июнь «Аялар хуъзвай югъ» яз шад гъалара къейдзава. ИКІ, 1- июн-диз, кыиле «Магъарам-дхуърун район» МР- дин къил Фарид Агъмедов, чи

райондин тІварунихъай Дагъустан республикадин халқьдин Собраниедин депутаттар тир Мусафенди Велимурадов, Ислам Гъусейнханов, республикадин «Лезгинка» тІвар алай лайихлу ан-

самблдин директор Джамбулат Магъамедов авай делегация райцентрдал алай «Республикадин коррекционный школа-интернатдиз» мугъман хъана.

Райондин регъберди, МР- дин администрациядин тІварунихъай,

→ 4



## 1-ИЮНЬ АЯЛАР ХУЙДАЙ МЕЖДУНАРОДНЫЙ ЮГЪ Я



### СУВАРИН ГУРУШ

3 ←

суварин пай яз, школа-интернатдиз гъар йикъян ківалахда герек жез-

вай оргтехника багъишина. РД-дин халкъдин Собраниедин депутат Ислам Гъусейнханова ва та-

можнядин къуллугъдин векилри чипин патай аялрив пулдин күмекар агакъарна.

Суварин гъевес акатнавай аялри атанвай мугъманриз гурлу концерт гана. Гъакъини и суварин мярекатда иштиракай «Лезгинка» ансамблди вичин виридалай хъсан къульлер тамамаруналди мярекат халис сувариз элкъуэрна.

Гуруштдин эхирдай школа-интернатдин директор Амелия Рагымхановади, ихътин важибулу гуруш аялриз сувариз элкъурай райондин регъбер Фарид Агъмедоваз, РД-дин Халкъдин Собраниедин депутат Ислам Гъусейнхановаз ва таможнядин къуллугъчийриз чухсагъулар малумарна.

**Р. ГЪАЖИЕВАН**  
шикилар.



# 1-ИЮНЬ АЯЛАР ХҮЙДАЙ МЕЖДУНАРОДНЫЙ ЮГЬ Я



## АЯЛРИН СУВАР

АРБЕ юкъуз, районцентрдал алай махсус школа-интернатдин иердиз чыгарнавай гъаяттада, райондин яратмишунрин школадин коллективди, аялрин йикъаз ва күелүнин йисан күвалахдин нетижаяр күнүз талукъарнавай гурлу мярекат күиле тухвана. Аялрин суварин сергъятда аваз, яратмишунрин школади чипин тербиячийрин гъилералди гъазурнавай яратмишунрикай ибарат тир еке выставкани ачухнавай.

Суварин шадвилер яратмишунрин школадин малим Амина Султановади ачухна ва күиле тухвана. Шад мярекатдал МР-дин образованиеедин управлениедин начальникдин заместителар тир Ламет Муртузаевани Зарема Моллаевади образованиеедин и хиле 2022-2023-күелүнин йисуз тафаватлу хъайи малимрив, гъар жуъре конкурсра, фестивалра иштирекна гъалиб хъайи, лайихлу чкаяр күур аялрив чипин наградаяр шад гъалара вахкан.

Эхирдай райондин яратмишунрин школадин чкадал алай ва хуърерай атанвай тербиячийри шириар күелна, күульдер авуна, манияр тамамарна. Гъвечи тербиячийри вири рекъерай чипин алакъунар къалурна. Суварин шадвилер яргъалди давам хъана.

**А. АЙДЕМИРОВА.  
Р. ГЪАЖИЕВАН шикилар.**

## 1-ИЮНЬ АЯЛАР ХУЛЬДАЙ МЕЖДУНАРОДНЫЙ ЮГЪ Я



### 1 июнь Виридуңнъядин аялрин сувар



АЯЛАР чи гележег тирди са шакни алачиз виридаz малум я. Аял авачир ківал, хизан ба-ябан жеда. Малум тирвал, Ви-ридуңнъядин аялар хұннин югъ 1950-йисан 1- июндилай сувар хъиз къейдзава. И юкъуз вири аялри чеб бахтлу-бур яз гыссазва, гыкі лагъайтла, чөхибуру аялриз шадвал артухардай мярекатар тешкилзава. Магъарамдхұ-рун райондин вири хұрера

гъар йисуз 1 – июндін югъ аялрин рикеl аламукъдайвал тешкилзава. Зун и шад мярекатда иштиракун патал Магъарамдхұре авай «Солнышко» бахчадиз фена. Экүннин сят-дин 10 далай башламишна «Солнышко» бахчада аялар патал лап гурлу мярекат къур-мишнавай. Бахчадин гъаят пайдахралди, шарарапалди, пла-катралди безетмишнавай. И шадвилин мярекатдиз чина

шадвилин хъвер авай, хъсан пек- партал алай аялрин гъи-лер къуна, гзаf къадар диде-бубаяр ківатI хъанвай. Мяре-кат садикдин заведующий Лейла Сабировнади ачуна. Ада вичин рахунра ківатI хъанвай аялриз диде- бубай-риз сувар тебрикна. Тебрик-рин гафарилай гүгъульни майдан аялрин, музыкантрин, манидаррин, къульдердайбу-рун ихтиярда гъатна. Вири дестейрин аялризни ва абуруз тербия гана вердишарнавай тербиячийриз аферин ва чух-сагъул. Аялар и шад мярекатдиз лап хъсандаказ гъа-зурнавай. Мярекат лап геж-далди къиle фена.

Ша чна, чөхибуру баhtлу аялар, баhtлу гележег тирди садрани рикеlай ракъур тийин.

Аялриз баhtлу аялвал гуз алақай чавуз чавай чи гележегдик, чи пакадин йикъак умудни кутаз жеда. Къуй, чи аялар баhtлубур, сагълам-бур, диде- бубайриз вафалубур яз чөхи хъурай.

ЖАННА.

## В ПРОКУРАТУРЕ РАЙОНА

## Из материалов уголовного дела

ПРОКУРАТУРОЙ Магарамкентского района 19.04.2023 утверждено обвинительное заключение по уголовному делу в отношении жителя с. Капир-Казмаляр Магарамкентского района, обвиняемого в совершении преступления, предусмотренного ч. 1 ст. 328 УК РФ (уклонение от прохождения военной и альтернативной гражданской службы).

Из материалов уголовного дела следует, что С.М.М., с 23.01.2019 состоит на учете в военном комиссариате Магарамкентского муниципального района (далее— военный комиссариат) в качестве призывника и в соответствии со ст. 59 Конституции Российской

Федерации, п. «а» ч. I ст. 22 Федерального закона от 28.03.1998 N2 53-ФЗ «О воинской обязанности и военной службе», подлежит призыву на военную службу.

16.12.2022 С.М.М., признанный решением призывной комиссии военного комиссариата к прохождению военной службы, отказался от получения повестки о необходимости явки в военный комиссариат для отправки к месту прохождения военной службы, заявив о нежелании проходить службу в вооруженных силах Российской Федерации.

Таким образом С.М.М., будучи надлежащим образом уведомленным о необходимости явки 16.12.2022 в военный комиссариат, при отсутствии оснований для отсрочки и освобождения от призыва на военную службу, в назначенное время в военный комиссариат не явился, документов, подтверждающих, что у него были уважительные причины для неявки не предоставил, тем самым уклонился от призыва на военную службу.

Уголовное дело для рассмотрения по существу направлено в Магарамкентский районный суд.

**И. ГАЛИМОВ,**  
зам.прокурора района,  
младший советник юстиции.

## Признано виновным

МАГАРАМКЕНТСКИМ районным судом Республики Дагестан рассмотрено дело об административном правонарушении, предусмотренном ст.20.3.1 КоАП РФ (публичное демонстрирование атрибутики или символики экстремистской организации, деятельность которой запрещена на территории Российской Федерации).

Указанное дело возбужденно на основании постановления прокурора Магарамен-

тского района о возбуждении производства об административном правонарушении

Проверка показала, что житель села Магарамкент Магарамкентского района на своей странице в одной из социальных сетей в сети Интернет разместил фотоматериал, на котором имеется символика международной организации «Имарат Кавказ» деятельность которой решением Верховного суда Российской Федерации от 08.02.2010 №ГКПИ

09-1715 признана террористической и запрещена на территории Российской Федерации.

Постановлением судьи Магарамкентского районного суда лицо признано виновным в совершении административного правонарушения, предусмотренного ст.20.3.1 КоАП РФ и ему назначено наказание в виде обязательных работ на срок 20 часов.

**А. АХМЕДОВ,**  
помощник прокурора района,  
советник юстиции.

## Осужден к обязательным работам

ПРОКУРАТУРОЙ района поддержано государственное обвинение по уголовному делу в отношении жителя с. Бильбил-Казмаляр Магарамкентского района, который обвиняется в совершении преступления, предусмотренного ст. 256 ч.1 п.п. б, в, г УК РФ, в незаконной добыче рыбы

частиковой породы «Кутум» в количестве 4 экземпляров запрещенным для рыболовства орудием лова – острогой, в местах нереста и на особо охраняемой территории – Государственного природного казнника федерального значения «Самурский».

Приговором мирового су-

дьи судебного участка №122 Магарамкентского района от 12.04.2023 он признан виновным и осужден к обязательным работам в количестве 120 часов.

**М. АПАЕВ,**  
старший помощник прокурора района, советник юстиции.

## МР-дин АДМИНИСТРАЦИЯДА



## Аскеррихъ галаз гуьрушмиш хъана

АЛАТАЙ гъафтеда, «Магъарамдхурун район» МР-дин кыл Фарид Агъмедов, чи уълкведи кыиле тухузвай СВО-дин иштиракчияр тир, алай вахтунда куьруу мұғылтада авай ва хъанвай хирер сагъарун патал чкайрал хтанвай чи райондин аскеррихъ галаз гуьрушмиш хъана.

Райондин регъберди къейд авурвал, абуру намуслувилелди къуллугъ тухун, Ватандин вилик пак буржи тамамарун ва абур сагъ-саламатдиз чин хизанрин патав хтун чи виридан мурад я.

И гуьрушдал рапай МР-дин общественный Палатадин председатель Агъадаш

Нагъметуллаева, Афганистандин дяведин иштиракчияр тир Гъабиддин Алиева, Малик Бегова аскеррин ва абурун багърийрин адресдиз хейлин хуш келимаяр ва намуслувилелди тухузвай къуллугъди чакдамах кутазвайди лагъана.

Эхирдай Фарид Загыдиновича, дяведин маҳсус операцияда иштиракзай Абдулкерим Усмановав (Газардкәл), Ренат Велимурадовав (Буткъазмаяр), Эрзиман Таировав (Гъепцегъ), Имрат Махмудовав (Ярагъкъазмаяр), Эдвин Абасовав (Билбикъазмаяр), Шамил Мисрихановав (Гилияр), Ильяс Ильясовав (Кирка), Владимир Якубовав

(Цийихуър), Латиф Латифовав (Цийихуър), Эльдар Агъаевав (Буткъазмаяр), Марат Абдурагъмановав (Буткъазмаяр) ва Элчин Джалиловав (Буткъазмаяр) районэгълийрин тіварунихъай Гъурметдин грамотаяр вахкана.

СВО дин иштиракчийрин тіварунихъай рапай Имрат Махмудовани Владимир Якубова, чи ватандашри жуэртлувилелди къуллугъзаявдакай лагъана ва чин къуллугъдиз, багърийриз къетен фикир гузтай райондин регъбердиз вири аскеррин тіварунихъай чухсагъул малумарна.

**Р. ГЪАЖИЕВАН** шикил.



Кыилин редактор <b>Р.Н. АБДУРАГЬИМОВ.</b>	Учредитель: Администрация муниципального района «Магарамкентский район». Адрес: 368780. РД, Магъарамдхурун район, Магъарамдхуър, Гагаринан күче, 2.
Редакциядин адрес: 368780. РД, Магъарамдхурун район, Магъарамдхуър, Ленинан күче, 4.	Газета «Самурдин сес» (Голос Самура) зарегистрирована Управлением Роскомнадзора по РД.
Газет гъафтеда садра акъатзава.	Газетдин регистрациядин нумра- ПИ № ТУ05 - 00438.  Газет ООО «Самур» типографияда тъазурна ва гъана чапна. Типографиядин ва издателдин адрес: 368780. РД, Магъарамдхурун район, Магъарамдхуър, Ленинан күче, 4. Лезги чап. Индекс 63340. Тираж 1400 Заказ № 26.
Телефонар: редактор- 25-1-37, жавабдар секретарь - 25-1-39, бухгалтер-25-9-69.	6+